

ALVER KOMMUNE
Kvernhusmyrane 20
5914 ISDALSTØ

Vår dato: 03.06.2022

Vår ref.: 201834603-9 Oppgi ved kontakt

Dykkar ref.:

Sakshandsamar: Toralf Otnes,
22959527, toot@nve.no

NVE si fråsegn – Konkret førespurnad - Utviding av planområdet for reguleringsplan Fv 564 Fløksand - Vikebø - Alver kommune

Vi viser til epost datert 24.05.2022. Saka gjeld utviding av planområde for reguleringsplan Fv 564 Fløksand – Vikebø. Grunnen til utvidinga er å sikre areal til handtering av overvatn.

Utvidinga vart varsla 28.10.2021. Planen i området omfattar 2 alternativ, og det er to alternative areal for overvasshandteringa. På det tidspunktet vart utvidinga vurdert til å ikkje råke ved NVE sitt forvaltningsområde. I etterkant har det kome fram ny informasjon om at Fløksandelva, som det blir vist til under alternativ A1, har oppgang av sjøaure, og tidvis fløymer over. De ber no om at NVE vurderer utviding av plangrense i høve til desse forholda.

NVE er positiv til at de utvidar planområdet og sikrar areal til god overvasshandtering.

Når det gjeld alternativ A1, der overvasshandteringa kan påverke Fløksandelva, vil nye vegar inn i kryssområdet gi litt auka tilførsel av overvatn inn i området. Vi meiner at det må gjerast greie for om dette kan påverke almenne interesser i vassdraget, til dømes sjøauren, og om det gir uakseptable konsekvensar for flaumtilhøva. Vi viser til TEK17 § 7-1 andre ledd. De kan sette krav i reguleringsplanen om drying av avrenninga dersom nedstraums kapasitet er for liten.

I begge alternativ blir det lagt opp til at overvatn skal gå lukka i røyr. [Statlege planretningslinjer for klima- og energiplanlegging og klimatilpassing](#) legg vekt at planar skal ta omsyn til trongen for opne vassvegar, overordna blågrøne strukturar, og forsvarleg overvasshandtering. Det står vidare at bevaring, restaurering eller etablering av naturbaserte løysingar bør vurderast. Dersom ein vel andre løysingar skal det grunngjevast kvifor naturbaserte løysingar er valde bort.

Vi viser elles til at NVE har publisert ein [Rettleiar for handtering av overvatn i arealplanar](#). Rettleiaren er laga for å støtte kommunane med å førebygge skade frå overvatn gjennom planlegging etter pbl.



Med helsing

Øyvind Leirset
Seksjonssjef

Toralf Otnes
Senioringeniør

Dokumentet blir sendt utan underskrift. Det er godkjend etter interne rutinar.

Mottakarar:
ALVER KOMMUNE

Kopimottakarar:
STATSFORVALTAREN I VESTLAND